

**Uunga siunnersuut: Pigisanit pissarsiat ilaasa akileraaruserneqartarnerat pillugu  
Inatsisartut Inatsisaata allanngortinneqarnera pillugu Inatsisartut inatsisaat nr. xx af  
xx. xxx 2020-meersoq. (Atuuffissaasa annikillisinneqarnerat)  
Aningaasaqarnermut Naalakkersuisumit saqqummiunneqartoq**

**pillugu**

**Aningaasaqarnermut Akileraartarnermullu Ataatsimiititaliap**

**siunnersuutip aappassaaneerpeqarneranut**

**ISUMALIUTISSIISUTAA**

Aningaasaqarnermut Akileraartarnermullu Ataatsimiititaliap suliarinninnermini ilaasortarai:  
Inatsisartunut ilaasortaq Hermann Berthelsen, Siumut, siulittaasoq  
Inatsisartunut ilaasortaq Múte B. Egede, Inuit Ataqatigiit, siulittaasup tullia  
Inatsisartunut ilaasortaq Karl-Kristian Kruse, Siumut  
Inatsisartunut ilaasortaq Malene V. Rasmussen, Demokraatit  
Inatsisartunut ilaasortaq Peter Olsen, Inuit Ataqatigiit  
Inatsisartunut ilaasortaq Jens Napaattooq, Partii Naleraq  
Inatsisartunut ilaasortaq Aleqa Hammond, Nunatta Qitornai

UKA 2020-imi ulloq 6. oktober siullermeerinninnerup kingorna ataatsimiititaliap siunnersuut misissorpaa.

**Siunnersuutip imarisaa siunertaalu**

Siunnersuummut pingaarnertut siunertaavoq inatsisip atuuffissaasa annikillisinneqarnissaat, taamaalilluni aaqqissuussinerit danskit soraarnerussutisianut aningaasaateqarfiini pilersinneqarsimasut kisimik danskit soraarnerussutisianik akileraarusiisarnermut inatsisaanni 53 A-mi aatsaat ilaatinneqassallutik. Tamatuma saniatigut inatsimmi annikinnerusunik naleqqussaa-soqarpoq sunniutaasunillu iluarsiisoqarluni.

Siunnersuut aningaasarsianit akileraarutit pillugit Inatsisartut inatsisaata allanngortinneqarnissaa pillugu Inatsisartut inatsisissaannut siunnersuummut, ataatsimiinnermi matumani aamma saqqummiunneqartumut, ataqatigiissillugu isigineqassaaq. Inatsit manna malillugu pissarsianit akileraarusiisarneq arlalinnik siunertaqarpoq. Siullermik soraarnerussutisianut aaqqissuussinernit aalajangersimasunit, inuit Kalaallit Nunaannut tamakkiisumik akileraartussaataitasut nunani allani pilersissimasaannit aammalu akiliivigisartagaannit, pissarsiat ingerlaavartut ilaannik nunap karsiata qulakkeerneqassaaq. Aappaattut innuttaasut soraarnerussutisianut aaqqissuussinernik, soraarnerussutisialittut ukioqarneq tamakkerlugu pineqartup pilersorneqarneranut tapertaasussanik, toqqaasalersinnissaat siunertarineqarpoq.

Soraarnerussutisianut aningaaserivinni Kalaallit Nunaata avataani pilersinneqartuni soraarnerussutisianut aaqqissuussinernut tunngatillugu, pingaartumik soraarnerussutisianut aaqqissuussinerit aningaasarsianit akileraarutit pillugit Inatsisartut inatsisaanni § 39 a-mi imaluunniit § 39 c-mi aamma danskit soraarnerussutisianik akileraarusiisarnermut inatsisaanni § 53 A-mi pineqartunut ilaatinneqartut, tassani pineqarput. Aaqqissuussinernit taakkunanga pissarsiat taamaattumik inatsimmi matumani maleruagassat malillugit 15,3 procentimik annikinnerusumik akileraarutissaq annertussusilerlugu akileraaruserneqartassapput. Nunani allani soraarnerussutisianut aaqqissuussinerit, inatsit manna malillugu annikinnerusumik pissarsianit akileraarusiisarnermi pineqartunut ilaatinneqanngitsut, aallaaviatigut aningaasarsianit akileraarutit pillugit Inatsisartut inatsisaanni § 44, imm. 3-6- imi maleruagassat malillugit akileraaruserneqassapput. Tassani inuup aningaasarsiaanit akileraarutaasussanit pissarsiat ingerlaavartut naatsorsuinerimi ilanngunneqartassapput, taamaalillutillu inummut akileraarusiinerimut annertussusiliusaaq tamarmiisoq atorlugu akileraaruserneqartassallutik. Taamaalilluni pissarsiat qaffasinnerusumik aammalu aningaaserivimmiittuutinit ernianit isertitat annertoqataannik akileraaruserneqartassallutik.

Soraarnerussutisianut aaqqissuussinerit, soraarnerussutisianut aningaasaateqarfinni aamma aningaaserivinni Kalaallit Nunaanni pilersinneqartuni pilersinneqartut, soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaat malillugu annikinnerusumik taamaaqataannik akileraaruserneqartassapput.

Inatsimmi § 1-imi danskit soraarnerussutisianik akileraarusiisarnermut inatsisaanni § 53 A-mut innersuussinerup malitsigisaanik soraarnerussutisianut aaqqissuussinernit pissarsiat, aalajangersakkami tassani pineqartunut ilaatinneqartut, taamatuttaaq inatsimmi matumani maleruagassat malillugit annikinnerusumik akileraaruserneqartassapput. Soraarnerussutisianut aaqqissuussinerit § 53 A-mi pineqartunut ilaatinneqartut aaqqissuussinerni Danmarkip aamma Kalaallit Nunaata avataanni pilersinneqartuni, pineqartunut ilaatinneqaraluartut, tamanna atuutissaaq. Aaqqissuussineq Danmarkip imaluunniit Kalaallit Nunaata avataani pilersinneqartoq danskit soraarnerussutisianik akileraarusiisarnermut inatsisaanni § 53 A-mi aalajangersakkani pineqartunut ilaatinneqarnerisoq akileraartarnermut ingerlatsiviup nalileruminaat-sissinnaavaa, tassami maleruagassat pisariusuummata aammalu naliliineq taanna naggataatigut danskit akileraartarnermut oqartussaasuinit taamaallaat suliarineqarsinnaammat.

Taamaattumik siunnersuutigineqarpoq aaqqissuussinerit danskit soraarnerussutisianik akileraarusiisarnermut inatsisaanni § 53 A-mi ilaatinneqartut **danskit** soraarnerussutisianut aningaasaateqarfianni pilersinneqarsimassasut erseqqissarneqassasoq. Kiisalu aaqqissuussinerit aningaasarsianit akileraarutit pillugit Inatsisartut inatsisaanni § 39 c, imm. 1-imi aamma 2-mi pineqartut inatsimmi ilaatinneqartut erseqqissarneqarpoq. Soraarnerussutisianut aaqqissuussinerit, taamanikkut Kalaallit Nunaanni soraarnerussutisianut ingerlatseqatigiiffimmit Danmarkimi soraarnerussutisianut ingerlatseqatigiiffimmut nuutinneqartut, § 39 c-mi pineqartunut ilaatinneqarput.

**Siunnersuutip Inatsisartunit siullermeerneqarnera**

Siunnersuut inersuarmi partiinit tamanit Naalakkersuisunillu taperserneqarpoq, taamaattorli ataatsimiititaliamut suliarineqartussanngortinneqarluni.

**Tusarniaanermut akissutit**

Siunnersuut piffissami 2020-mi 7. maajimit 12. juunimut tusarniaassutigineqarpoq. Immikkoortoq UKA2020/21 peqatigalugu tusarniaassutigineqarpoq.

Tusarniaaffigineqartut siunnersuummut oqaaseqaataat tiguneqartut Naalakkersuisunit issuaavigineqarlutillu taakkununga oqaaseqaatit allanneqarput. Naalakkersuisut oqaaseqaataat ataatsimiititaliamit tusaatissatut tiguneqarput ataatsimiititaliarlu taakkununga allanik oqaaseqaatissaqanngilaq.

**Ataatsimiititaliap siunnersuummik suliarinninnera**

Siunnersuutip siunertaa imarisaalu Inatsisartunit ataatsimoortunit tapersorneqartut ataatsimiititaliamit oqaatigineqassaaq.

Nunani allani soraarnerussutisiassanut aningaasaateqarfimmi soraarnerussutisianut aqqissuussinermi pissarsiat, inatsimmi matumani maleruagassat malillugit imaluunniit aningaasarsianit akileraarutit pillugit Inatsisartut inatsisaanni maleruagassat malillugit akileraaruserneqartarnissaannik naliliisarnerup ajornannginnerulerneranut siunnersuut iluaqutaassasoq ataatsimiititaliamit oqaatigineqassaaq.

Immikkoortoq UKA2020/21-mi allannguutit akuerineqartussatut naatsorsuutigineqartut malitsigisaannik iluarsisutit pineqartut ataatsimiititaliamit oqaatigineqassaaq.

**Siunnersuutip aningaasaqarnikkut kingunerisassai**

Nunani allani soraarnerussutisianut aqqissuussinernit arlalinnit pissarsiat, aningaasarsianit akileraarutit pillugit Inatsisartut inatsisaanni maleruagassat malillugit akileraaruserneqartalernissaannik, siunnersuut malitseqassaaq. Tamanna akileraarutinik iluanaarutit qaffasinne-rulernerannik malitseqarsinnaavoq, tassami akileraarusiinerummut annertussusiliussaq qaffasin-nerummat. Taamaattoq aningaasaqarnikkut sunniutaasussat annertunerusumik pitsaassuse-qartinneqarsinnaanngillat, tassami nunani allani akileraartussaataasut soraarnerussutisiassanik uninngasuutaat tamakkiisumik ilisimaneqanngimmata.

**Ataatsimiititaliap inassuteqaatai**


Siunnersuut akuerineqassasoq ataatsimiititaliap isumaqatigiittup inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.




---

Múte Bourup Egede  
Siulittaasup tullia




---

Hermann Berthelsen  
Siulittaasq




---

Karl-Kristian Kruse




---

Malene V. Rasmussen




---

Peter Olsen



---

Jens Napaattoq



---

Aleqa Hammond